

آبونه عثماني : هر ير ايجون
سنه لکي (٤٠٠) آلتی ایلنی
(٢٢٥) ممالک اجنبیه ايجون
سنه لکي (٤٥٠)، آلتی آیلنی
(٢٥٠) غروشددر.

نسخه سی ٧,٥ غروشددر .
سنه لکي ٥٢ عدددر .

اداره خانه : باب عالی جاده سنده
رشید افندی خاندنه

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدلنه
یازیلز اعاده اولتماز .

والله یهدی من یشاء الی صراط مستقیم

باش محرر
محمد حاکف

صاحب و مدیر
اشرف ادیب

اتبعون اهدکم سبیل الرشاد

الکشاف

آدره من تبدیلندمه آریجه
• غروش کوندرملیدر .

مکتوبلرک امضاری واضح
واوقوناقلی اولسی وآبونه
صره نومروسی محتوی
بولونسی لازمدر

ممالک اجنبیه ايجون آبونه
اولانلرک آدرسلرینک
فرانسزجه یازلسی رجا اولنور.

پاره کوندرلدیکی زمان نهیه
دائر اولدینی بیلدیرلسی
رجا اولنور

هندستان بر نظر

۲

مولانا محمد قاسم نامنده بر صاحب مہمک سعی وغیرتیلہ ۱۲۸۲ء ده تأسیس اولونان (دیوبند) کلیہ سنک ایلک فعالیتی، ذکرہ نمایان ایلک عملی تشبہ، بورادن نشأت ایدن طلبہ نک «ثمرۃ التریبہ» نامیلہ بر جمعیت تأسیس ایدرک هندستان داخلہ حلول ایتلری، مولانا محمد قاسمک حمایہ سی آلتندہ ۲۹۳ عثمانلی روس محاربہ سی مثالبیلہ تورکیہ منفعتہ اعانہ جمع ایتلری در. بواعانلر محمد حسین نامندہ بر مرخص مخصوص ایلہ درسعادتہ کوندریلش، واو زمانک حرب قهرمانی بولان غازی عثمان پاشا حضرتلریہ تسلیم اولنمشدر. غازی مشارالہک کوندریلن اعانہ قبول ایتدیکی زمان تأثرندن آغلادیفی وھند مرخصنک آلتندن اوپدیکی ھند مسلمانلری میانندہ بوکونہ قدر روایت اولنمقدہ در.

۱۲۹۸ ده مولانا محمد قاسم حضرتلری وفات ایدنجہ دیوبند کلیہ سنک امر اداره سی مولانا رشید احمد عھدہ سنہ تودیع اولنمشدر. بو محترم ذات کلیہ نک تدریساتہ فوق العادہ اعتنا ایلہ بر جوق شعبہ لر کشاد ایتش، ساحۃ علمیہ دہ بیوک بر فعالیت وترقیات کوسترمش، فقط افکار سیاسیہ جھتی بر مدت عطالتہ محکوم ومسلك اساسیسی برخیلی زمان خللدار ایتش در.

بالآخرہ ۱۳۲۰ سنہ سندن اعتباراً دیوبند کلیہ سنک اداره سی (شیخ الھند) نامیلہ معروف مولوی محمود حسن عھدہ سنہ تودیع اولنمشدر. کلیہ شیخ الھندک اداره سنہ کچرکچمز یکی بر تجدد و حیات دورہ سی باشلایور. در حال «ثمرۃ التریبہ» جمعی یریہ (جمعیت انصار) نامیلہ بر ہیئت فعالہ میدانہ کتیریلیور. علیکر ایلہ دیوبند آرہ سی تالیف اولنوب فعلاً تشریک مساعی اولونیور. کلیہ یہ تعلیم منوران شعبہ سی علاوہ اولنہ رق فوق العادہ بر فعالیت دورہ سنہ کیریلیور. وقار الملک، ذوق نور انصاری و شیخ الملک حکیم اجل خان حضرتلرینک اشتراکیلہ ذھلیدہ «نظارة المعارف القرآنیہ» عنوانیلہ بر جمعیت کشاد اولونیور، بیوک مقیاسدہ بر مساعی ساحہ سی آجیلیور. دیرکن اوصردہ طرابلس غرب۔ ایتالیا وقعہ سی ظہور ایدیور. بونک اوزرینہ شیخ الھند مولانا محمود حسن جنابلری غایت مہم بر بیاننامہ نشر ایدرک طرابلس غرب وقعہ سنک اھمیتنی ومتعاقباً فتنہ لڑک توالیسی ملحوظ بولوندیغنی، نتیجہ اعتباریلہ بتون عالم اسلام ایچون تلافیسی غیر قابل بر فلاکت اولہ بیلہ جگنی مسلمانلرہ اخطار ایتش، و مسلمانلری تیقظ وانتباہ، حرکت و فعالیتہ دعوت ایلہ مشدی. بو بیاننامہ دہ دیوبند ایلہ علیکرک برلشہ رک عملی صورتدہ چالیشمیلری، ھر مسلمان فردک وجدانی وظیفہ سی ایقایہ


«بکن بایرام نمازلرنده جامع صغرنده بش یوز، آلتی یوز مسلمان بولنورکن، آلمان مسافرلرمزدن ایکی یوز، اوچیوز ذات بایراممزدہ حاضر اولورکن، جامعک اھالی بی استیعاب ایدہ مدیکی نظر دقتہ آلتوب داما بیوک بر بنا میدانہ کتیرمک ایستہ تیرکن بو سنہ قرق الی کشیدن عبارت اولان مسلمانلرک برصف تشکیل ایتنی بوجامی صحرای کبیر قادار واسع کوستردی. جامعک بوشلغنی قبونک اطرافتہ طولانان آلمان مسافرلری دہ طولدیرمہ مادی. روحلر منکسر اولدیغنی حالہ نمازہ باشلادق. خواجہ شکری افندینک یرینہ اسکی تورک ضابطلرندن افغانستان ترجائی شکری بک کجدی، وظیفۃ امامتی حقیلہ، امیدک فوقندہ ایضا ایتدی، لکن جامعک بوشلغنی روحلردہ کی تأثراتی بر تورلو ازالہ ایدہ مدی وبو تأثرات جامع اطرافندہ اخذ موقع ایدن معلملرک اکثریسنک کوزلرندن یاشلر آقیتدی. برطرفدہ بر ہندلینک کوز یاشلری آقیوردی. برطرفدہ بر تورک ہونکور ہونکور آغلایوردی. برطرفدہ دہ اورال طاغلرندن بورایہ ترک ایدلش بر اسیر چوجوق کبی ایچی چکرک کوز یاشی دوکویوردی. والحاصل بو احوال روحیہ کبت کیدہ تکمیل مسلمانلرہ تأثیر ایدوب جامع کوز یاشلریلہ مستغرق اولدی. امام افندینک وعظی، خطبہ سی وامل اسلامک نمازی بویلہ کوز یاشلری آلتندہ کجدی. نہ ایچون جامع آغلایوردی، نہ ایچون بواھالی بایرام نمازندہ جنازہ دفن ایدن خلق کبی کوز یاشلری دوکیوردی...»



کمبر سینہ مالرہ، دانسلرہ زھرنیورلر!

بلغار معارف نظارتنک بلغار مکتبلری طلبہ سنہ کوستریلک اوزرہ آلمانیا دن فنی، تاریخی سینہ ماتوغراف فیلملری کتیرتمہ سی مناسبتیلہ اقدام رفیقمز اطفال مسلمینک اخلاق مدھش بر صورتدہ افساد ایتمکدہ اولان بزده کی سینہ مالرہ، دانسلرہ معارف وکالتنک نظر دقتنی جلب ایلہ دیورکہ:

«بزده دنیادہ ھر شینک عکسنہ اولہ رق آنار، بابالر اون یاشندہ کی چوققلرک لرنندن طوتہ رق بولری سینہ مالرہ کتورورلر. بو حال سلخخانہ لرہ قوزی سوق ایتکہ بکزہر، حالبوکہ آوروپادہ اون درت یاشندن آشانی اولان چوجوقلری ھر سینہ مایہ صوقازلر. جنائی و سوداوی سینہ مالر، کنجلاک ایچون بر زھر مماندر. بز برطرفدن بوزہری یوتیورز، دیگر طرفندن سوفاق ایچلرنده کی دانس صالونلرنده بک فنا حالر وقوعہ کلدیکی، قیز ارکک اون اوج اون درت یاشندہ چوجوقلرک بو افساد اوچاقلرینہ آلیشدیرلیدیغنی ایشیدیورز. بر آزدہا غیرت ایدر ایسہک عصری ملترک غالباً آفاق ترابی اولہ جغز!»



ریف مجاہد لرلنک ظفری. — (دہیلی مہیل) غزتہ سنہ (طنجہ) دن ویریلن معلوماتہ کورہ (ریف) مجاہدلری صوک محاربہ لردہ اسپانوللری (سیدی مسعود) دن پوسکورتمشلر و (۳) بیوک طوب، (۲۰۲) ماکیئہ لی تفنک، (۶۰۰) تفنک، (۴۰۰) قاطر اغتنام و (۴۵۰) اسپر آلمشدر.

تورکستانده کی اسلام هرکئی

یکی قافقاسیایک صاری قامش مخابری یازیسور :

تورکستانده هیجانی کونلر باشلادیغی صوک کونلرده تکرار ایشیتمهک باشلادق . بک اوزاقدن کلن بوجوادیگ نهدن عبارت اولدیغی مارت آیتک نصف اولنه عائد اولوب صاری قامیشه کلن تورکستان غزته لرندن قسماً آکلاشمقده در . بوغزته لره نظر آ ، اختلال حرکتلی غربی بخاراده ملا عبدالقهار ، اسلام قراول ، بیکی ، همراه پهلوان نام قوماندانلرک ، شرقی بخاراده «وخش» نهرینک صول ساحلنده ایسه ابراهیم بک ، عبدالقادر ، عثمان قول قورباشیلرک (یعنی قوماندانلرک) اداره سنده دوام ایدیور . سوویت غزته لرینک رواپته کوره شباط طرفنده غربی بخاراده کی معاصمه لرده ۳۰۰ نفر وقورباشی (ضابط) اسیر آلمش و تولدورلش ، ۴۳۰ عددده تفنگ اغتنام اولونمشدر . شرقی بخاراده مارتک نصف اولنده بجوان طرفلنده عبدالقادر و عثمان قول قورباشیلرک یکتیلرندن ۶۰ ی محاربده تولدورلش و بر قور باشی اسیر دوشمشدر .

۱۱ مارت تاریخی غزته لرده کرک شرقی و کرک غربی بخاراده روسلرک باصاحیلرله مجادله کی اولکی قرار اوزره دوام ایتدیرمک چاره لری دوشونمکده اولدیقلری تحت اولونمقده در .

روسیه ده روس ملیت پرورلکی آرتق قوت آلدی . تورکستان محلی اختلاللریه روسلردن هیچ بر طبقه ای نظرله باقیور . حتی بولشه ویک دشمنی اولان آق روسلریله بو «مسلمان حرکتی» بکنمه یورلر . روسک آقده قزلی ده یو حرکتده «پان اسلامیزم» واقفراق سیاستی کوریور . اگر مسلمانلر حکومتی اللریه آلیرلرله روسلرله تورکستانده حیات قالماز ، دیورلر . بکن سنه ، بالخاصه انور پاشا حرکتدن صوکرا بونوع تشویقات روسلر آره سنده بالخاصه شیوع بولدی ، تورکستان اختلالجیلری هیچ بریدن یاردم آلامیورلر شوو معیتده تورکستانده اختلال حرکتلی هیچ ده دوام ایده بیلدن ، ۱۹۲۴ سنه سنه قدر تورکستان عصیان حرکتلرندن هیچ برشی قالماز ظن اولونیورلری . حتی ۱۹۲۴ سنه سی انساننده خوارزم «جمهوریتی» ایکی دفعه تمامیه اختلالجیلر آلنه کچدی . صوک کونلرده غزته لرده اختلال قوتلرینک مارت صوکلرنده بک چوق قوت آلدیغی ، حتی بعض روس قوتلرینکده اختلالجیلرله قوشولدیغی عشق آباد ایله سمرقند آره سنده می دمیربوللرک اختلالجیلر طرفدن اشغال اولنه رق تمامیه بوزولدیغی اوقویورلر . بلکه تورکستان تورکنتلی و غربی بخارا اختلالجیلری برابر حرکت ایتکده درلر ، بلکه بوقوتلر صمرا و چول ایچنده قالمایارق ایران افغانستان حدودلریه یاقین بریده قوتلرینی طویلامق مجبوریتنده قالمشدر . فقط بو حرکتلر حقنده معلومات ویرمک صوک سوویت غزته لری ده ائزه کچدی .

یکی قافقاسیا علاوه ایدیور :

صوک کونلرده آلمان متمم معلوماته نظر آ عصیان حرکتلرینک طاشکند حوالیسنه قدر سرایت ایله دیکی تأیید اولونیور . حتی انکتره عوام قاماره سنده تورکستان حقنده ماقدونالده بر سؤال بیل ویرلشدر . ماقدونالده عصیان حقنده رسمی معلوماتی اولدیغی ، فقط سوویت مطبوعاتک بو خصوصده انکتره یه عطف ایله دیکی اسنادی رد و تکذیب ایله مشدر .

یورلی طرفلرله کنربسی سبیل الرشاد مخابری دیه طاینتیرمقده اولدیغی خبر آلمانیه اسیرطری دیه العابیه افندی ابره سبیل الرشادک هیچ بر عطفقسی اولادیغی بابیه اولنور .

شتاب ایتسی لازم کلدیکی بیان اولونمشدی . بونک اوزرینه (دیوبند) کلیه سی مدیر و مدرس لری ، طلبه سی تحصیلی تعطیل ایتدیله ، (دیوبند) مسلمانلرینک همیتله بتون هندستانک ولایات مختلفه سنده کی مسلمانلر آره سنه حلول ایله طراباس غرب و بالقان اعانه سی ایچون تشویقاته باشلادیله . علیکر هیثی ایسه ، بالفعل اعانه جمعه تشبث صورتیه فوق العاده مهم بر فعالیت دوره سنه کیردیله . علیکر بدایه واساساً هند مسلمانلرینک سیاسی مرکز ی بولنیوردی . اولا السید احمد خا ، بعده نواب الحسن الملک و نواب وقار الملک کی ذواتک حمایه سنده وشوکت علی نک ریاستنده «جمعیت المستخرجین» ، لکنوده مولوی عبدالباری صاحبک تحت ریاستنده «علماء فرنکی محل» و «خدام کعبه» جمعیتلری ... هپ علمای اسلامک همیتله و منحصر آ تورکیه منفعتنه خدمت مقصدیه تأسیس اولونمشدی .

و جمعیتلرله بویه عنوانلر ویرلمه سی ده مصلحتنه ، ایجاب حاله رعایتدن بشقه برشی دکلدی . بونلر میاننده لدی الایجاب خدمته مهیا فدائیلر دخی موجود ایدی .

دیوبنده رشید احمد ، علیکرده محسن الملک ، مرکزی لکنوده اولوق اوزره آروجه «ندوة العلماء» عنوانیه بر جمعیت تأسیس ایتمشدر . الشیخ شبلی و ابوالکلام دخی بومیانده بولنیورلردی . ابوالکلامک همیتله قالدکوتده دخی «حزب الله» عنوانیه بر هیث فواله بولنیوردی .

بالآخره : خدام کعبه و حزب الله توحید اولنه رق «خلافت جمعی» نامه تبدیل اولوندی . انصارده «علماء الهند» نامه کفایت لله اداره سنه کچدی . بوضورتله متعدد و مختلف دخی عنوانلر ایله تأسیس ایتش اولان جمعیتلر ، حرب عمومی بدایتنده دخی توحید مساعی ایدرک تورکیه لهنده چالیشدیله . پشاور حدوددندکی جبال شاهقه سکنه سی اولان قبائله اجرای تأثیر ایتک صورتیه تورکیه لهنه «کوت العماره» موفقیتی تأمین ایتدکاری بالآخره انکلیزلرک رسمی راپورلریله ده تحقیق ایتمشدر . نهایت انکلیزلر جمعیت مذکوره رجالدن اوچیوز قدر آدمی تجزیه و حبس ایتمشدر ، حتی فرار ایدنلری ده کیتدکاری برده محلی حکومتلرک موافقتیه تجزیه ایتمشدر .

بواحوال نظر اعتباره آلنورسه ، هندستان مسلمانلری میاننده ، بالخاصه علامه سنده بیوک بر اثر انتباه حاصل اولدیغی تبیین ایدر . «مجاهدون فی سبیل الله» و لایخافون لومة لائم ، سرینه مظهر اولمشلر دیمکدر . حقیق ایمان ، حقیق اسلامده بویه اولوق ایجاب ایدر .

عبدالرشید ابراهیم